

Broj: 01-02-3-280/17

Sarajevo, 13.05.2017. godine

Z A P I S N I K

19. REDOVNE SJEDNICE PREDSTAVNIČKOG DOMA PARLAMENTA FEDERACIJE BIH, održane 14.,22.03. i 26.04.2017. godine

Sjednica je počela u 10.29.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Ilhan Bušatlić, Mirela Halilović, Mirsad Kukić, a kašnjenje je najavio Nermin Nikšić.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Zapisnici 13. i 14. redovne i 17. vanredne sjednice usvojeni su bez primjedbi.

Prešlo se na izjašnjavanje o pokrenutim inicijativama.

Komisija za jednakopravnost spolova pokrenula je inicijativu. Na osnovu pojedinačnog izjašnjavanja, sa 70 glasova za, jednim glasom protiv i uz devet uzdržanih glasova, usvojena je sljedeća:

I N I C I J A T I V A

za uvođenje rodnosenzitivnog jezika u Parlament Federacije BiH.

Safet Kešo, u ime Kluba zastupnika SDA predložio je dva zaključka.

Sa 52 glasa za, osam glasova protiv i uz osam uzdržanih glasova, usvojen je sljedeći:

Z A K L J U Č A K

Zadužuje se Vlada Federacije BiH da što prije pripremi i u parlamentarnu proceduru uputi Zakon o hemikalijama i Zakon o biocidima.

Sa 52 glasa za, šest glasova protiv i uz 12 uzdržanih glasova, usvojen je sljedeći:

Z A K L J U Č A K

Zadužuje se Federalno ministarstvo pravde da se aktivno uključi u dosljednu i što efikasiju operacionalizaciju inicijative usvojene u Domu naroda Parlamenta Federacije BiH kojom se od svih kantona u Federaciji BiH zahtijeva da svoje ustave usklade sa Ustavom Federacije BiH posebno u dijelu koji se odnosi na nazive službenih jezika u Federaciji BiH (amandman XXIX na Ustav kojim se eksplicitno navode bosanski jezik, hrvatski jezik i srpski jezik) kao i na ustavom zagarantovano pravo svakog naroda na korištenje i imenovanje svog jezika u svim sferama života, a posebno u odgojno-obrazovnim ustanovama.

Federalno ministarstvo pravde će u roku od 20 dana od dana usvajanja ovog zaključka pripremiti i dostaviti Predstavničkom domu Parlamenta Federacije BiH cjelovitu informaciju o provedbi aktivnosti na realizaciji predmetne inicijative.

Zastupnička pitanja

Damir Mašić prvo pitanje uputio je premijeru Novaliću, a osvrnuo se na njegov boravak u Banjaluci, te davanje izjave pored neustavne mape RS-a na kojoj je i Brčko Distrikt, te dvije entitetske zastave i bez ijednog državnog obilježja. U vezi s tim postavlja pitanje - da li je premijer ovo uradio svjesno ili u neznanju?

Naredno pitanje odnosi se na debatu koja je održana na temu "Efekti reformske agende na zapošljavanje, poslovnu klimu i konkurentnost" na kojoj je prisustvovao i premijer Novalić. Zastupnik Mašić postavio mu je pitanje u vezi kampanje "Skinimo okove", gdje je premijer potpisao Pismo namjere jednoj ambasadi u BiH za ogromna sredstva za marketinšku kampanju. Premijer je to negirao. Zastupnik Mašić ga podsjeća da je dobio odgovor od direktora ureda premijera u kojem piše da je zaključkom Vlade Federacije BiH premijer ovlašten da potpiše Pismo namjere za učešće u kampanji za javno informiranje.

Treće pitanje uputio je rukovodstvu Doma – koliko je u ovom mandatu održano redovnih, vanrednih i tematskih sjednica, te koliko i koji ministri su bili na tim sjednicama? Traži od premijera i predsjedavajućeg da se o tome povede računa.

Davor Vuletić pitanje je postavio predsjedavajućem Mušiću - kada će se na dnevnom redu naći Prijedlog Zakona o izmjenama i dopunama Zakona o plaćama i naknadama u organima vlasti Federacije BiH i Prijedlog Zakona o izmjenama i dopunama Zakona federalnim ministarstvima i drugim tijelima federalne uprave, a koje je predložio Klub zastupnika DF-a? Kazao je da je Vlada dala pozitivno mišljenje o ovim zakonima.

Predsjedavajući Mušić dao je odgovor na pitanje.

Enver Bijedić pokrenuo inicijativu prema Predstavničkom domu Parlamenta Federacije BiH a vezano za projekat izgradnje regionalnog puta Sarajevo - Beograd. Traži da se uzme u obzir idejno rješenje koje je uradila prethodna Vlada a koje podrazumijeva prolazak regionalnog puta kroz Tuzlanski kanton.

Dennis Gratz pitanja je postavio vezano za Zakon o izmjenama i dopunama Zakona o izvršenju krivičnih sankcija Federacije BiH – šta će se postići preraspoređivanjem odjeljenja predviđenog članom 6. Zakona i koji je konkretan razlog za preraspoređivanje svakog odjeljenja pojedinačno. Drugo pitanje tiče se člana 4. Prijedloga Zakona. Kako će finansijski utjecati primjena ovog člana na Budžet Federacije BiH, budući da bi novim prijedlogom prestala važiti odredba koja omogućava zapošljavanje savjetnika i pomoćnika direktorima kaznenopopravnih zavoda.

Elma Đogić izrazila je nezadovoljstvo odgovorima na pitanja koja je uputila Agenciji za privatizaciju u Federaciji BiH (tiče se Odluke koju je donijela Vlada o davanju saglasnosti za prodaju metodom neposredne pogodbe poslovnih prostora u Karlovcu u Hrvatskoj, broj 859/2016,860/2016,861/2016,862/2016, Agenciji za privatizaciju Federacije BiH. Tu se navodi da će kupoprodajne ugovore u slučaju prodaje sa kupcem potpisati direktor privrednog društva Agrokomerc a sredstva naplaćena prodajom biće uplaćena na poseban račun Agencije za privatizaciju Federacije BiH). Nezadovoljna je i odgovorom na pitanje koje je uputila Federalnom ministarstvu energije, rudarstva i industrije, te traži detaljan odgovor.

Pitanje upućuje Vladi Federacije BiH i Federalnom ministarstvu rada i socijalne politike - da li imaju podatak o tome koliko ima izrađenih socijalnih karti stanovništva općina i gradova na području Federacije BiH. Da li su učestvovali u finansiranju, odnosno sufinansiranju izrade socijalnih karti na nivou Federacije, te ako jesu u kojim iznosima, na koji način i u kojem vremenskom periodu?

Upućuje zahtjev Uredu za reviziju institucija Federacije BiH da se u Godišnji plan i program rada Ureda za reviziju institucija u Federaciji dodatno uvrsti finansijska revizija Budžeta Općine Velika Kladuša za 2015. godinu, kao i revizija Budžeta Univerziteta u Bijaču za 2015.

Mahir Mešalić kazao je da šest mjeseci postavlja pitanje ministrici finansija, a vezano za 50 osoba sa najvećim primanjem u Federaciji. Preformuliše pitanje i pita za 60 osoba koje imaju najveća primanja u Federaciji.

Naredno pitanje uputo je premijeru - kada će Nacrt Zakona o zaštiti prava djeteta kojeg je izradio zajedno sa stručnjacima, doći u proceduru, te isto pitanje postavlja i predsjedavajućem.

Treće pitanje uputio je Vladi Federacije BiH - zašto još uvijek nije realizirana Odluka Vlade Federacije BiH o penzionisanju 14 radnika Borca iz Banovića i šest radnika Borca iz Zenice?

Safet Kešo u ime Kluba zastupnika SDA predlaže da Predstavnički dom usvoji sljedeći zaključak: 1. Zadužuje se Vlada Federacije BiH da putem resornih ministarstava koja imaju isključivu ili sa kantonima podjeljenu ustavnu nadležnost u relevantnim oblastima djelovanja izvrši provjeru postojanja kolizija u zakonskim propisima kantonalnog i federalnog nivoa, te da definiira plan programskih i operativnih mjera za otklanjanje takvog stanja sa svim potrebnim elementima; 2. O provedenim aktivnostima iz tačke 1., Vlada Federacije BiH će dostaviti informaciju Predstavničkom domu Parlamenta Federacije BiH u roku od 60 dana od dana njegovog usvajanja.

Također, u ime Kluba zastupnika SDA pohvalio je rad Federalne uprave civilne zaštite na čelu sa direktorom Fahrudinom Solakom za ukupne aktivnosti tokom posljednjih prijetecih poplava i klizišta na ugroženim područjima u Federaciji.

Midhat Karović ponovo postavlja pitanje Refiku Popariću izaslaniku u Domu naroda - do kada će građani Federacije biti taoci neformiranja Neovisnog odbora i Odbora za žalbe građana?

Amra Kunovac prvo pitanje uputila je prema Vladi Federacije BiH - da li raspolaže tačnim podacima koliko je građana napustilo Federaciju u 2016. godini?

Drugo pitanje također je uputila Vladi Federacije BiH - koliko ima pomoćnika i stručnih savjetnika zaposlenih u ministarstvu i njihova nacionalna pripadnost.

Treće pitanje upućeno je Federalnom ministarstvu za boračka pitanja – kako je i da li je nagrađen angažman maloljetnih boraca u proteklom ratu ?

Četvrto pitanje također je upućeno Federalnom ministarstvu za pitanja boraca – kada će se riješiti problem zdravstvene zaštite boračke populacije vezano za besplatno liječenje, lijekove, operacije i transplantacije?

Saša Mitrović prvo pitanje uputio je premijeru Vlade Federacije BiH - kako objašnjava da, iako je na snazi moratorij o zapošljavanju u 2016. godini zaposleno 460 osoba? Da li su zaposleni putem konkursa i koliko je zaposlenih na platnom spisku a koliko putem ugovora od djelu?

Koliko je kupljeno i koliko je planirano da se kupi novih automobila za potrebe ministarstva i koliko će to koštati građane Federacije BiH?

Treće pitanje uputio je također Vladi – koliko je Vlada u 2016. godini podjelila grantova nevladinim organizacijama, fondacijama, udruženjima, po kojem kriteriju i da li je pratila transparentnost utroška tih grantova?

Boris Barun postavio je pitanje Vladi Federacije BiH a vezi formiranja radne grupe za izadu prednacrtu zakona o javnom okupljanju u Federaciji BiH - u kojem članu Ustava Federacije BiH je Vlada našla utemeljenje za regulisanje ove materijalno-pravne oblasti?

Esad Bašagić dva pitanja uputio je Federalnom ministarstvu pravde a u vezi Zakona o privrednim društvima u Federaciji BiH i Zakona o stečajnom postupku Federacije BiH, te će pitanja postaviti u pisanom obliku.

Mirsad Topčagić pitanje je uputio Federalnom ministarstvu okoliša i turizma - kada će ovo Ministarstvo organizirati polaganje stručnog ispita za voditelje poslovnica i turističke vodiče shodno odgovarajućim odredbama Zakona o turističkoj djelatnosti Federacije BiH.

Alma Kratina pokrenula je inicijativu prema Federalnom ministarstvu zdravstva i Federalnom ministarstvu rada i socijalne politike, kojom traži očitovanje u slučaju diskriminacije prema djeci oboljeloj od celijakije i utvrđivanje minimalnih prava iz oblasti zdravstvene i socijalne zaštite s obzirom da na federalnom nivou nisu utvrđena minimalna prava iz oblasti zdravstvene i socijalne zaštite ovih pacijenata oboljelih od celijakije koja bi bila važeća na području svih kantona u Federaciji BiH.

Jusuf Bubica komentirao je odgovor na pitanje, koliko je zakona usvojeno po vrsti postupka.

Drugo pitanje koje je postavio a odgovorom nije zadovoljan – šta Vlada namjerava poduzeti po pitanju naplate nagomilanih dugova po osnovu poreza, doprinosa, taksi i drugih naknada koji iznose preko dvije milijarde KM?

Nije dobio odgovor na pitanje vezano za bruto primanja u 2016. godini direktora agencija i ukupne troškove agencija iz nadležnosti Vlade Federacije BiH.

Komentirao je i odgovor na pitanje koje se tiče nove sistematizacije radnih mjesta u svim javnim preduzećima u Federaciji BiH, kao i inicijativu koju je pokrenuo a tiče se nadležnosti Administrativne komisije da se usaglase primanja u oba doma Parlamenta Federacije BiH.

Dževad Adžem komentirao je inicijativu Envera Bijedića koja se tiče brze ceste Sarajevo-Beograd, te izrazio svoje razočarenje.

Azra Hadžić prvo pitanje uputila je Vladi Federacije BiH – zašto se nije očitovala po pitanju inicijative koju je podnijela o preuzimanju nadležnosti nad studentskom poliklinikom?

Drugo pitanje uputila je Vladi Federacije BiH šta je sa sredstvima od GSM licence? Već dvije godine nisu doznačena sredstva za Unsko-sanski kanton iz GSM licence te pita gdje se preusmjeravaju ta sredstva?

Treće pitanje upućeno je direktoru Agencije za vrijednosne papire – ko su članovi Upravnog odbora Agencije i kolika su njihova primanja?

Zikreta Odobašić pitanje je uputila Federalnom ministarstvu rada i socijalne politike i Federalnom zavodu za zapošljavanje – da li se vrši provjera kredibiliteta firmi koje traže radnike preko Zavoda za zapošljavanje? Napomenula je da postoji mogućnost brisanja iz evidencije zavoda ako pozvani odbije radno mjesto koje mu se nudi. Ko je odgovoran u ovakvim situacijama? Ukoliko zavod ne provjeri kredibilitet firmi u koje šalje radnike da li na sebe preuzima obavezu uplaćivanja staža i doprinosa ukoliko to firma ne uredi?

Jasna Duraković Hadžiomerović prvo pitanje uputila je Federalnom ministarstvu pravde a vezano za odluku o utemeljenju Alimentacijskog fonda u Federaciji BiH. Traži od Ministarstva da se očituje šta je dalje poduzelo po tom pitanju i da li je oformljena radna grupa koja će se baviti ovom problematikom i poduzeti aktivnosti na stvarnom utemeljenju Alimentacijskog fonda. Traži da se Ministarstvo konačno o tome očituje.

Drugo pitanje uputila je Federalnom ministarstvu rada i socijalne politike – nakon usvajanja Zakona o osnovama socijalne zaštite, zaštite porodice sa djecom i zaštite civilnih žrtava rata, da li je osnovana posebna komisija o kojoj se govorilo, kao neovisno stručno tijelo koje će davati stručno mišljenje da li je podnosilac zahtjeva žrtva seksualnog zlostavljanja i silovanja?

Treće pitanje upućeno je Federalnom ministarstvu rada i socijalne politike – da li je Ministarstvo donijelo pravilnik kojim će se definirati pitanja načina rada i donošenja odluka ove Komisije?

Nasir Beganović osvrnuo se na odgovor koji je dobio od Poslovnog odbora FTV-a koji je, kako je kazao, blagovremeno dostavio odgovor na pitanje postavljeno na 18. redovnoj sjednici. Kazao je da odgovor nije korektan, te kratko informirao Dom o odgovoru koji mu je dostavljen. Ponavlja pitanja na koja nije dobio odgovore, te pita još – kojim je pitanjem izvršio pritisak na neovisnost televizije i na njihovu uređivačku politiku, posebno uz činjenicu da je prilikom postavljanja pitanja kazao da se ne želi miješati u uređivačku politiku FTV-a.

Dženan Đonlagić u ime Kluba zastupnika DF traži od Vlade Federacije BiH da dostavi spisak imena svih članova uprava, nadzornih odbora, upravnih odbora i skupština u javnim preduzećima u Federaciji BiH.

Jasmina Zubić osvrnula se na pitanja i inicijative koje je prije postavljala. Kazala je da ima prigovor u vezi Inicijative koju je pokrenula 07.03., te zašto ta inicijativa koja je uredno predana na protokol nije dostavljena zastupnicima. Radi se o inicijativi koju je pokrenula nakon dobijenog odgovora od Uprave za indirektno oporezivanje. Pitanje je postavila Vijeću ministara i Upravnom odboru za indirektno oporezivanje a odnosi se na Zakon o carinskoj politici u BiH. Smatrala je važnom Inicijativu koju je uputila vezano za uspostavljanje kancelarije za nadzor i akreditaciju ovjerilaca.

Postavila je pitanje – da li je realizirana Inicijativa koje je usvojena na 16. redovnoj sjednici održanoj 24.01.2017. godine a odnosila se na finansiranje Roditeljske kuće. Ako je odgovor pozitivan o kojem iznosu je riječ, odnosno koliki je iznos sredstava odobren za finansiranje Roditeljske kuće.

Naredno pitanje - zašto do danas nije potpisan sporazum Saveza općina i gradova, odnosno kad će biti potpisan jer je prošlo skoro godinu dana od kada je pripremljen.

Pokreće inicijativu prema Kantonalnoj bolnici Zenica, kojom traži da se razmotri mogućnost interne organizacije te da se internim akom utvrdi procedura preuzimanja uputnica pacijenata na jednom prijemnom odjeljenju u bolnici, te obavještanja pacijenata o terminu pregleda odnosno nalaza telefonskim putem.

Ramiz Meša prvo pitanje postavio je Federalnom ministarstvu za pitanja boraca odbrambeno-oslobodilačkog rata, traži da se navede tačan broj korisnika lične invalidnine po općinama i kantonima sa stanjem 01.01.2004.; tačan broj korisnika sa 01.01.2007., tačan broj korisnika sa stanjem 01.01.2017. godine.

Drugo pitanje uputio je Federalnom ministarstvu poljoprivrede, vodoprivrede i šumarstva – koliko je izvezeno, a koliko nije izvezeno maline u 2016. godini?; Šta je Ministarstvo uradilo da pomogne otkupljivačima jer prema prognozama sa terena, moglo bi doći do problema sa plasmanom maline u 2017. godini.

Elvir Karajbić komentirao je odgovor koji je dobio od operatora za obnovljive izvore energije.

Ponovo postavlja pitanje na koje nije dobio odgovor od Vlade Federacije BiH a u vezi sa pojedinačnim novčanim donacijama na koje Vlada daje saglasnost za preko 50 hiljada KM za preduzeća BH Telekom i HT Eronet.

Naredno pitanje uputio je Vladi Federacije BiH, kojim traži da Vlada u kumulativnom zbiru dostavi ukupno utrošena sredstva za isplatu plaća za 2015. i 2016. godinu.

Sugerira rukovodstvu Doma kada se tiče inicijativa, da ih prosljeđuju svim zastupnicima, osvrćući se na neke inicijative pokrenute od strane zastupnika iz Kluba zastupnika SDP, a koje nisu na vrijeme dostavljene zastupnicima.

Pitanje upućuje Vladi Federacije BiH, traži podatak koliko je uvezala radnog staža za radnike u 2016. godini i koliko do današnjeg dana u 2017. godini.

Faruk Ćupina pita – kada će se razmatrati Inicijativa za izmjenu Poslovnika Predstavničkog doma Parlamenta Federacije BiH?

Drugo pitanje upućeno je Federalnom ministarstvu prometa i komunikacija a vezano za pitanje nezakonitog Pravilnika o povećanju EKO testa koje je navedeno ministarstvo donijelo krajem 2016. godine? Ujedno pokreće inicijativu za poništenje nezakonitih odredbi Pravilnika o povećanju cijena EKO testa koje je donijelo Federalno ministarstvo za promet i komunikacije.

Naredno pitanje uputio je Vladi Federacije BiH - da li su istiniti navodi da je 461 novoupisanih koji se finansiraju iz Budžeta Federacije BiH od 01.01.2016. do 31.12.2016. godine.

Pitanje za Federalno ministarstvo poljoprivrede, vodoprivrede i šumarstva – da li je i u kojoj mjeri zastupljena aktivnost ovog Ministarstva po pitanju angažiranosti na izradi dokumenta Strategije razvoja poljoprivrede BiH. Koji su zakoni i propisi koje je ovo ministarstvo upućivalo u proteklom periodu u parlamentarnu proceduru.

Elzina Pirić traži obnovu pitanja koje je postavila Federalnom ministarstvu pravde Ministarstvu sigurnosti i ostalim nadležnim organima.

Munib Jusufović osvrnuo se na pitanje arbitraže Brčko distrikta, te diskutovao između ostalog o nedolasku političara iz Federacije na Dan Brčkog Distrikta 8.marta.

Nermin Nikšić uputio je pitanje vezano za UNIS TURS odnosno uposlenike koji već dvije godine nemaju primanja kao ni uplaćeno zdravstveno osiguranje. Podsjetio je da je Vlada Federacije i resorno ministarstvo 100% vlasnik kapitala. Da li Vlada i resorno ministarstvo imaju namjeru rješavati ovo pitanje i na koji način?

Inicijativa se odnosi na pokretanje mehanizma parlamentarnog nadzora i kontrole rada Federalnog MUP-a i FUP-a.

Mensud Borović predložio je da se o Inicijativi koju je pokrenuo zastupnik Enver Bijedić ne izjašnjava na ovoj sjednici te dao obrazloženje.

Jasmin Kadić osvrnuo se na neka pitanja koja je već postavljao. Kazao je da nije dobio odgovor na pitanje koje je postavio Federalnom ministarstvu okoliša i turizma a tiče se okolinske dozvole za Termoelektranu Banovići. Što se tiče pitanja koja je postavio Ustavnom

sudu Federacije BiH koje se odnosilo na izvršavanje presuda Ustavnog suda dao je komentar. Pita Vladu – da li Vlada u svom planu i programu rada ima u vidu izdvajanje sredstava za podršku o radu Ustavnog suda Federacije BiH te rješavanje problema potrebnog angažovanja ljudskih resursa za potrebe rada Ustavnog suda kako bi ispunjavali obaveze iz svoje nadležnosti.

Komentirao je i odgovor koji je uputio Federalnom ministarstvu energije, rudarstva i industrije, vezano za Energetsku strategiju Federacije. Pita Vladu – da li je Vlada odustala od izrade energetske strategije Federacije BiH?

Posljednje pitanje uputio je Vladi Federacije BiH – kada će prema Parlamentu na razmatranje uputiti izvještaje o radu i poslovanju javnih preduzeća Elektroprivrede BiH i HZHB?

Jozo Bagarić pitanje je uputio Federalnom ministarstvu poljoprivrede, vodoprivrede i šumarstva, kojim traži da mu se dostavi izvještaj o realizaciji Transfera za veterinarstvo za 2016. godinu sa detaljnim podacima o korisnicima, programima i isplaćenim iznosima iz sredstava Transfera za veterinarstvo za 2016. godinu.

Kasim Mulalić pitanje je uputio Federalnoj upravi za inspekcijske poslove da mu dostavi spisak zdravstvenih ustanova u kojima je vršen inspekcijski nadzor u 2016. godini sa izrečenim mjerama.

Prešlo se na utvrđivanje dnevnog reda.

Predsjedavajući je predložio da se u dnevni red uvrsti tačka - Nacrt Programa rada Predstavničkog doma Parlamenta Federacije BiH, te da se sa dnevnog reda skine tačka 12. Provođenje Odluka Ustavnog suda Federacije BiH.

U raspravi o izmjenama i dopunama dnevnog reda učestvovali su: Ismet Osmanović i Damir Mašić.

Sa 58 glasova za, pet glasova protiv i uz 12 uzdržanih glasova, usvojeno je da se u dnevni red uvrsti tačka – Nacrt Programa rada Predstavničkog doma Parlamenta Federacije BiH.

Sa 51 glasom za, osam glasova protiv i uz 17 uzdržanih glasova, usvojeno je da se sa dnevnog reda skine tačka – Provođenje odluka Ustavnog suda Federacije BiH.

Nije usvojen prijedlog Kluba zastupnika SDA da se sa dnevnog reda skine tačka 8. Prijedlog Zakona o izmjenama i dopunama Zakona o izvršenju krivičnih sankcija u Federaciji BiH (33 glasa za, 30 glasova protiv i uz 15 uzdržanih glasova).

Nije usvojen prijedlog zastupnika Damira Mašića da se pod tačkom 3. Prijedlog Zakona o izmjenama i dopunama Zakona o radu, razmatra po hitnom postupku (40 glasova za, 16 glasova protiv i uz 17 uzdržanih glasova).

Prijedlog Vlade Federacije BiH da se Prijedlog Zakona o izmjenama i dopunama Zakona o Federalnom pravobranilaštvu razmatra po hitnom postupku nije usvojen (41 glas za, 18 glasova protiv i uz 13 uzdržanih glasova).

Prijedlog Vlade Federacije BiH da se Prijedlog Zakona o penzijskom i invalidskom osiguranju razmatra po hitnom postupku, usvojen je na osnovu pojedinačnog izjašnjanja sa 53 glasa za, 23 glasa protiv i uz osam uzdržanih glasova.

Sa 54 glasa za, 17 glasova protiv i uz 12 uzdržanih glasova, usvojen je sljedeći:

D N E V N I R E D

1. Prijedlog Zakona o penzijskom i invalidskom osiguranju – hitni postupak,
2. Prijedlog Zakona o izmjenama i dopunama Zakona o radu – skraćeni postupak,
3. Prijedlog Zakona o razvojnom planiranju i upravljanju razvojem u Federaciji BiH,
4. Prijedlog Zakona o Gradu Cazin,
5. Prijedlog Zakona o Gradu Livno,
6. Prijedlog Zakona o Gradu Goražde,
7. Prijedlog Zakona o izmjenama i dopunama Zakona o izvršenju krivičnih sankcija u Federaciji BiH,
8. Nacrt Zakona o kontroli i ograničenoj upotrebi duhana, duhanskih i ostalih proizvoda za pušenje,

9. Izvještaj o radu Vlade Federacije BiH za 2016. godinu
10. Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.01. – 30.06.2016. godine i Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.07. – 31.12.2016. godine
11. Nacrt Programa rada Predstavničkog doma Parlamenta Federacije BiH za 2017. godinu,
12. Usaglašavanje tekstova različito usvojenih u domovima Parlamenta Federacije BiH,
13. Izbori i imenovanja.

Pauza sat vremena.

1. Prijedlog Zakona o penzijskom i invalidskom osiguranju – hitni postupak

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dao je ministar Vesko Drljača.

Na Prijedlog Zakona amandmane su podnijeli: Alma Kratina (jedan amandman), Dennis Gratz (tri amandmana), Jasmina Zubić (tri amandmana) Mirsad Topčagić (dva amandmana), Mirza Ganić (jedan amandman), Klub zastupnika SDP (79 amandmana) i Faruk Čupina (jedan amandman).

Otvorena je rasprava u kojoj su učestvovali: Dennis Gratz, Elvir Karajbić, Mirsad Topčagić, Alma Kratina, Jasmina Zubić, Faruk Čupina, Mirza Ganić, Boris Barun i Nermin Nikšić.

Prešlo se na drugu tačku dnevnog reda, dok se Vlada ne očituje o predloženim amandmanima.

2. Prijedlog Zakona o izmjenama i dopunama Zakona o radu – skraćeni postupak,

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U ime Vlade Federacije BiH ministar je dao dodatno obrazloženje.

Prije otvaranja pretresa predsjedavajući je, na osnovu člana 172. stav 3. Poslovnika, kazao da se ne radi o složenom i obimnom Prijedlogu Zakona te pozvao zastupnike da se izjasne da li će se razmatrati po skraćenom postupku, a što je sa 50 glasova za, 16 glasova protiv i uz devet uzdržanih glasova usvojeno.

Na Prijedlog Zakona amandmane su podnijeli: Klub zastupnika HDZBiH (dva amandmana), koje je Vlada Federacije BiH prihvatila i Dennis Gratz (pet amandmana).

U raspravi su učestvovali: Dennis Gratz, Elvir Karajbić, Faruk Čupina, Damir Mašić, Boris Barun, Ismet Osmanović, Dženan Đonlagić, te predsjednik Sindikata Ismet Bajramović.

Na zahtjev predsjednika Kluba zastupnika SDA data je pauza od 30 minuta.

Prešlo se na rad po tački 3. dnevnog reda, dok se Vlada Federacije BiH ne očituje o amandmanima.

3. Prijedlog Zakona o razvojnom planiranju i upravljanju razvojem u Federaciji BiH,

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U raspravi su učestvovali: Dževad Adžem, Jasna Duraković – Hadžiomerović, Elvir Karajbić i Dennis Gratz.

Sa 70 glasova za, uz dva glasa protiv i bez održanih glasova, usvojen je Prijedlog Zakona o razvojnom planiranju i upravljanju razvojem u Federacije BiH.

4. Prijedlog Zakona o Gradu Cazin

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U raspravi su učestvovali: Mira Grgić, Faruk Ćupina, Munib Jusufović, Dennis Gratz, Dževad Adžem, Damir Mašić, Rasim Omerović, Mirsad Topčagić i Suzana Franjka Galić.

Sa 65 glasova za, jednim glasom protiv i uz pet uzdržanih glasova, usvojen je Prijedlog Zakona o Gradu Cazin.

5. Prijedlog Zakona o Gradu Livno

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U raspravi niko nije učesvovao.

Sa 74 glasa za, bez glasova protiv i bez uzdržanih glasova, usvojen je Prijedlog Zakona o Gradu Livno.

6. Prijedlog Zakona o Gradu Goražde

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U raspravi niko nije učesvovao.

Sa 72 glasa za, jednim glasom, protiv i bez uzdržanih glasova, usvojen je Prijedlog Zakona o Gradu Goražde.

7. Prijedlog Zakona o izmjenam i dopunama Zakona o izvršenju krivičnih sankcija u Federaciji BiH,

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dao je ministar Mato Jozić.

U raspravi su učestvovali: Mira Grgić, Jusuf Bubica, Dennis Gratz, Ismet Osmanović, Elvir Karajbić, Davor Vuletić i Nasir Beganović.

Nasir Beganović, u ime Kluba zastupnika SBB, zatražio je pauzu od 15 minuta.

Pauza

Nakon kratke pauze i konsultacija, budući da rasprava po ovoj tački dnevnog reda nije zaključena, ministar Mato Jozić povukao je ovaj Prijedlog Zakona.

8. Nacrt Zakona o kontroli i ograničenoj upotrebi duhana, duhanskih i ostalih proizvoda za pušenje,

Nacrt Zakona utvrdila je Vlada Federacije BiH.

Nacrt Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dala je Snježana Bodnaruk.

U ime Komisije za informiranje obrazlagala je Vesna Švancer.

U raspravi su učestvovali: Mira Ljubijankić, Zlatko Kravić, Jasna Duraković Hadžiomerović, Amra Haračić, Faruk Ćupina, Elvir Karajbić, Dennis Gratz, Oliver Radoš, Mira Grgić, Munib Jusufović, Blaž Župarić, Suzana Franjka Galić, Belma Pojskić, Damir Mašić.

Sa 50 glasova za, dva glasa protiv i uz šest uzdržanih glasova usvojen je sljedeći:

ZAKLJUČAK

Predstavnički dom Parlamenta Federacije BiH prihvata Nacrt Zakona o kontroli i ograničenoj upotrebi duhana, duhanskih i ostalih proizvoda za pušenje, te smatra da može poslužiti kao osnova za izradu prijedloga Zakona.

Zadužuje se predlagač da provede javnu raspravu u trajanju od 30 dana.

Zadužuje se predlagač da prilikom izrade prijedloga Zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će biti dostavljene u pisanoj formi.

Predsjedavajući je prije zaključivanja sjednice kazao da Zakonodavno-pravna komisija kao i druga nadležna radna tijela zasjedaju i zauzmu stav po pitanju amandmana na Prijedlog Zakona o penzijskom i invalidskom osiguranju kojih je jako puno kao i o Zakonu o radu, pa da svoj stav iznese na nastavku sjednice.

Predsjedavajući je prekinuo rad sjednice u 20.10.

NASTAVAK 19. REDOVNE SJEDNICE PREDSTAVNIČKOG DOMA PARLAMENTA FEDERACIJE BIH , održane 22.03.2017. godine

Sjednica je počela u 11.01.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, goste kao i predstavnike akreditiranih medijskih kuća koji prate rad sjednice.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Na rad se prešlo po tački 9.dnevnog reda.

9. Izvještaj o radu Vlade Federacije BiH za 2016. godinu

Izvještaj je dostavila Vlada Federacije BiH.

Izvještaj su razmatrala nadležna radna tijela i dostavila izvještaje.

U raspravi su učestvovali: Dževad Adžem, Safet Kešo, Dennis Gratz, Davor Vuletić i Elvir Karajbić.

Predsjedavajući je pozvao zastupnike da se izjasne o izvještaju. Nakon glasanja, Ismet Osmanović, u ime Kluba zastupnika SDA zatražio je pojedinačno izjašnjenje. Na osnovu pojedinačnog izjašnjenja, sa 47 glasova za, 31 glasom protiv i uz jedan uzdržani glas nije usvojen Izvještaj o radu Vlade Federacije BiH za 2016. godinu.

10. Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.01. – 30.06.2016. godine i Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.07. – 31.12.2016. godine

Izvještaj je dostavila Vlada Federacije BiH.

Izvještaj su razmatrala nadležna radna tijela i dostavila izvještaje.

Predstavnik Federalne agencije za upravljanje oduzetom imovinom Kenan Kapo dao je dodatno obrazloženje.

U raspravi su učestvovali: Safet Kešo, Faruk Ćupina, Elvir Karajbić, Jasmina Zubić, Jozo Bagarić i Munib Jusufović.

Sa 57 glasova za, osam glasova protiv i uz četiri uzdržana glasa, usvojen je Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.01. – 30.06.2016. godine.

Sa 54 glasa za, šest glasova protiv i uz četiri uzdržana glasa, usvojen je Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.07. – 31.12.2016. godine.

11. Nacrt Programa rada Predstavničkog doma Parlamenta Federacije BiH za 2017. godinu

Nacrt Programa utvrdila je radna grupa Predstavničkog doma Parlamenta Federacije BiH.

Nacrt Programa razmatrala su nadležna radna tijela i dostavila izvještaje.

U ime Radne grupe dodatno obrazloženje dala je Vesna Švancer.

U raspravi je učestvovala Jasmina Zubić.

Sa 49 glasova za, tri glasa protiv i uz 19 uzdržanih glasova, usvojen je sljedeći:

Z A K L J U Č A K

Predstavnički dom Parlamenta Federacije BiH prihvata Nacrt Programa rada Predstavničkog doma Parlamenta Federacije BiH te smatra da može poslužiti kao osnova za izradu Prijedloga Programa rada.

Zadužuje se Radna grupa da prilikom izrade Prijedloga Programa rada ima u vidu sve sugestije, primjedbe i prijedloge iznesene u raspravi kao i one koje su dostavljene ili će biti dostavljene u pisanoj formi.

Za tačku 12. Usaglašavanje tekstova različito usvojenih u domovima Parlamenta Federacije BiH i tačku 13. Izbori i imenovanja nije bilo materijala za razmatranje.

Pauza pola sata.

Nakon pauze predsjedavajući je kazao da je rukovodstvo održalo sastanak u vezi preostalih tačaka dnevnog reda 19. sjednice. Konstatirano je da još od nadležnih radnih tijela nema stava oko amandmana u vezi tačaka: Prijedlog Zakona o penzijskom i invalidskom osiguranju i Prijedlog Zakona o izmjenama i dopunama Zakona o radu.

Predsjedavajući je prekinuo rad sjednice u 13.43.

* * *

NASTAVAK 19. REDOVNE SJEDNICE PREDSTAVNIČKOG DOMA PARLAMENTA FEDERACIJE BIH, održane 26.04.2017. godine

Sjednica je počela u 11.36.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Ilhan Bušatlić, Saša Mitrović, Alma Arnaut, Elma Đogić, Damir Mašić, Mujo Hasić, Enver Bijedić i Mirsad Kukić.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Na rad se prešlo po tački 1. dnevnog reda.

1. Prijedlog Zakona o penzijskom i invalidskom osiguranju – hitni postupak,

Rasprava o ovoj tački dnevnog reda je okončana.

Na Prijedlog Zakona amandmane su podnijeli: Alma Kratina (jedan amandman), Dennis Gratz (četiri amandmana), Jasmina Zubić (tri amandmana), Mirsad Topčagić

(dva amandmana), Mirza Ganić (jedan amandman), Klub zastupnika SDP (79 amandmana) i Faruk Čupina (jedan amandman). Predložene amandmen Vlada nije prihvatila. Vlada Federacije BiH podnijela je dva amandmana (na član 150. i 151.) koji su postali sastavni dio Prijedloga Zakona.

Zastupnici su se izjašnjavali o amandmanima.

Amandman Alme Kratina (na član 69.) nije usvojen (24 glasa za, dva glasa protiv i uz 22 uzdržana glasa).

Amandmani Dennisa Gracza: Amandman I. (član 19. stav 1. i 2.) nije usvojen (16 glasova za, 21 glas protiv i uz 16 uzdržanih glasova). Amandman II. (član 71.) nije usvojen (14 glasova za, 22 glasa protiv i uz 18 uzdržanih glasova). Amandman III. (član 88.) nije usvojen (18 glasova za, 22 glasa protiv i uz 21 uzdržani glas). Amandman IV. (na član 116.) nije usvojen (15 glasova za, 21 glas protiv i uz 16 uzdržanih glasova).

Amandmani Jasmine Zubić: Amandman I. (član 45. stav 5.) nije usvojen (24 glasa za, 19 glasova protiv i uz 16 uzdržanih glasova). Amandman II. (član 70. tačka 9.) nije usvojen (36 glasova za, 12 glasova protiv i uz 11 uzdržanih glasova). Amandman III. (član 150.) nije usvojen (24 glasa za, 19 glasova protiv i uz 18 uzdržanih glasova).

Amandmani Mirsada Topčagića: Amandman I. (član 37.) nije usvojen (30 glasova za, 14 glasova protiv i uz 16 uzdržanih glasova). Amandman II. (član 128.) nije usvojen (24 glasa za, 14 glasova protiv i uz 16 uzdržanih glasova).

Amandman Mirze Ganića (član 46. stav 5.) nije usvojen (28 glasova za, 14 glasova protiv i uz 23 uzdržana glasa).

Amandmani Kluba zastupnika SDP: Amandman I. (član 1.) nije usvojen (19 glasova za, 26 glasova protiv i uz 14 uzdržanih glasova). Amandman II. (član 2. tačka a.) nije usvojen (12 glasova za, 25 glasova protiv i uz 15 uzdržanih glasova). Amandman III. (član 4 stav 1. tačka f.) nije usvojen (19 glasova za, 26 glasova protiv i uz 9 uzdržanih glasova). Amandman IV. (član 7. stav 2.) nije usvojen (13 glasova za, 27 glasova protiv i uz 12 uzdržanih glasova). Amandman V. (član 12. tačka g) nije usvojen (14 glasova za, 28 glasova protiv i uz 10 uzdržanih glasova). Amandman VI. (član 14.) nije usvojen (12 glasova za, 32 glasa protiv i uz 12 uzdržanih glasova).

Elvir Karajbić u ime Kluba zastupnika SDP smatra da, budući da amandmani ne dobivaju podršku da se zastupnici o njima ne izjašnjavaju, ali traži da se izjašnjavaju o amandmanu 79. Amandman 79 (član 81. stav 4.) Kluba zastupnika SDP nije usvojen (24 glasa za, šest glasova protiv i uz 30 uzdržanih glasova).

Amandman Faruka Čupine (član 116.) nije usvojen (20 glasova za, 19 glasova protiv i uz 19 uzdržanih glasova).

Predsjedavajući je pozvao zastupnike da se izjasne o Prijedlogu Zakona. Nakon izjašnjavanja, Dženan Đonlagić izrazio je sumnju u rezultate glasanja, te je sa 53 glasa za, 20 glasova protiv i uz jedan uzdržan glas usvojen je Prijedlog Zakona o penzijskom i invalidskom osiguranju.

U ime Kluba zastupnika SDP zatražio je pauzu od pola sata.

Nakon pauze prešlo se na rad po tački 2. dnevnog reda.

2. Prijedlog Zakona o izmjenama i dopunama Zakona o radu – skraćeni postupak,

Rasprava po ovoj tački dnevnog reda je okončana.

Dennis Gratz podnio je pet amandmana. Vlada ih nije prihvatila, a budući da zastupnik Gratz nije bio u Sali, i nije se očitovao o stavu Vlade, zastupnici se nisu izjašnjavali o njegovim amandmanima.

Klub zastupnika HDZ podnio je dva amandmana koja je Vlada Federacije BiH prihvatila. (Amandman na član 2. stav 3.: Vlada Federacije BiH će u roku od 90 dana od dana stupanja na snagu ovog Zakona donijeti propis kojim će se propisati postupak prijema u radni odnos iz stava 2. odvođen člana u zavodima, agencijama, direkcijama i upravnim organizacijama, pravnim osobama s javnim ovlaštenjima na

teritoriju Federacije BiH u javnom ustanovama i javnim poduzećima čiji je osnivač Federacija te u privrednim društvima u kojima Federacija BiH učestvuje sa više od 50 % ukupnog kapitala. Iza stava 3., dodaje se novi član 4. koji glasi: Vlade kantona će u roku od 90 dana od dana stupanja na snagu ovog Zakona donijeti propis kojim će propisati postupak prijema u radni odnos iz stava 2. ovog člana u zavodima, agencijama, direkcijama i upravnim organizacijama pravnim osobama s javnim ovlastimana teritoriju kantona, grada ili općine, u javnim ustanovama i javnim predućima čiji su osnivači kantoni, grad ili općina te u privrednim društvima u kojima kanton, grad ili općina sudjeluju sa više od 50% ukupnog kapitala. Amandman II. član 12. se briše.)

Jasna Duraković Hadžiomerović podnijela je amandman na član 62. izvan roka te se o njemu nije izjašnjavalo.

Sa 53 glasa za, 14 glasova protiv i uz dva uzdržana glasa, usvojen je Prijedlog Zakona o izmjenama i dopunama Zakona o radu.

Potpredsjedavajući Bošković zaključio je rad 19. redovne sjednice Predstavničkog doma Parlamenta Federacije BiH u 13.55.

Transkript i prijepis transkripta sjednice čine sastavni dio Zapisnika.

v. d. SEKRETARA
PREDSTAVNIČKOG DOMA
PARLAMENTA FEDERACIJE BIH

Stela Ibrović

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Edin Mušić